

The Mizoram Pharmacists



An official publication of the Mizoram State Pharmacy Council

Vol. 5 June, 2014

MEFENAMIC ACID

Hming dang: Cyclopam-Plus, Colispas, Dyfenamic
Eng atana hman nge?

Damdawi hi chi hrang hranga then a ni a, Mefenamic Acid hi NSAIDS kan tih, Non-steroidal Anti-inflammatory drug-ah telh a ni. A hmanna ber chu ruh na te, hmeichhe thi neih laia naah te hman bik a ni.

Eng chemical nge a nih?

2-(2,3-dimethylphenyl)aminobenzoic acid

Eng angin nge kan hmuh thin?

A mum te, laihren te, a tui tein kan hmu.

Engzata ei tur nge?

Puitling tan ni khatah 2.5 gram aia tam ei loh tur a ni a, vawi khat eiah 500 mg-in bul tannin, 250 mg darkar ruk danah mamawh ang tawkin kar khat chung ei tur a ni. He damdawi hi ei atanga minute 30 – darkar 4 hna a thawk a ni. Naupang kum 12 hnuai lam tan ei loh a him em em a ni.

Damdawi him a ni em?

Damdawi reng reng hi chu túr leh hnathawh tha lo nei an ni vek a, Mefenamic Acid hi a ei dan tur dik taka ei chuan damdawi him tak nia ngaih a ni. A hlauhawmna tarlan zawng zawngte hi mi zawng zawngah a thleng vek lo va, amaherawhchu tu chungah pawh thleng thei vek a ni thung.

A hnuai mite hi a him loh dan chu a ni:

Nu, nau thla thum pai tan a him lo em em a, nau chhiat a thlen hma bik. Doctor-in a chawh a nih loh chuan ei loh tur a ni. Nau hnute pe lai tan hnute tuia a kal tlang avangin ei loh a tha. Mefenamic Acid hian liver nasa taka a tihchhiat theih avangin thin tha lo tan ei loh tur a ni. Tin, kal (kidney) tha lo tan pawh ei loh a him a ni. Lung tha lo leh lung zai tawh tawhte tan he damdawi hi ei loh tur a ni. Kum 65 chin chunglam tan kal tha lote a siam awlsam avangin ei loh a him.

Side Effects


Pumpui lawng, kawthalo, luak chhuak, vun thak, khaw hmuh fiah lo. Decreased female fertility. Zu nena ei pawlhin pumpui lawng leh kawchhunga thi tling a thlen awlsam a ni.

Damdawi dang nen ei pawlh a him em?

Aspirin, Heparin, Lithium, Cyclosporin, Methotrexate, Probenecid, Zidovudine te nena ei pawlhin, heng damdawi hnathawh hi taksaa thawh tur aia nasain a tihniamin a tisang thei a. Kan ei a nih pawhin ei rual lovin, darkar 2 emaw darkar 3 danah emaw ei tur a ni. Heng damdawi bakah hian damdawi dang nen a inhal thu hriat a ni lo va, amaherawhchu mi malah a thleng thei thung. Vitamin nen inhal thei nih avangin a ruala ei loh tur a ni.

Chaw leh thil dang nena ei pawlh a pawl em?

Mefenamic Acid hi chaw nen a inhal hriat a ni lo va, chaw ei puar zawha ei mai tur a ni. Meizial leh zu nen a inhal em em a ni.



NEWS

Dr. H. Lalhlenmawia, HOD, Deptt of Pharmacy, RIPANS chu Sub-Committee on Education Regulation member atan ruat thar a ni. He committee hi Pharmacy zirna leh syllabus duangtu leh hma latu pawimawh tak a ni.

May 12&13, 2014-a Pharmacy Council of India bultuma Central Council Pune-a thukhawm chuan Mission Foundation Movement (Laithangpuii College of Pharmacy), Aizawl chu D.Pharm Course zirna din phalna a pe a, 2014-2015 session atangin he College-ah hian D.Pharm a zir tan theih ang.

Address:

*Laithangpuii College of Pharmacy
Mission Foundation Movement
Ngama Building, Bawngkawn
Phone - 8259034399, 9862558637*

Mizoram State Pharmacy Council chuan Registered Pharmacist-te tan ID card a siamsak mek a. Hemi chungchanga hriattirna lehkhah hmu lo, ID siamtir duhte chuan passport size thlalak 1 leh Rs. 150/- kengin MSPC Office-ah order theih a ni.

Regional Institute of Paramedical & Nursing Sciences (RIPANS)-a Deptt of Pharmacy chuan 2014-2015 chhunga M.Pharm Course zirna tan theih tumin hma an la mek. An hmalakna hi a hlawhtlin chuan Mizoram tana Pharmacy zirna rahbi thar leh mellung pawimawh tak a ni ngei ang.

Mizoram State Pharmacy Council chuan kum danga a lo buatsaih tawh thin angin, Registered Pharmacist, hna thawk mekte tan kumin hian Refresher Course a buatsaih leh dawn a. Refresher Course la kal lote tan hriattirna/application form sem chhuah tawh a ni a, lehkhah hmu lo, training la kal lote chuan office lamah zawh chian tur a ni.



MEMBERS OF THE MIZORAM STATE PHARMACY COUNCIL

President

Pu Lalsawma Pachuau

Vice President

Dr. H. Lahlhlemawia

Registrar-cum-Secretary

Esther Lalduhawmi Hnamte

Members

Dr. K. Ropari

Dr. R. Tlangkunga

Pu Thangkima Ralte

Pu C. Vanthuama

Pu F. Vanlallawma

Pu Lalvuana

Pu R. Rodingliana

Pu Laldusanga Pachuau

Message from the President

Mizoram dung leh vanga ka thawhpui, Pharmacists zawng zawngte chibai vek u le.

Kum danga kan tih dan pangaiin Mizoram State Pharmacy Council chuan bulletin kan han ti chhuak leh a ni a, tun tum chu Mefenamic Acid chung chang a ni. NSAIDS ti a kan lam mai thin na chhâwkna chi hrang hrang kan chhuah kim deuh thaw a ni ta a, tangkai takin kan hmang theuh turah ka ngai.

Khawvel hmasawna leh ram hmasawna chak taka a kal lai hian, hmasawnnain a thlawh khum khawpin kan thiamna intuaihriam chungchangah kan lo inthlahdah palh ang tih a hlauhawm hle mai a, Pharmacist ni si damdawi chungchang zawh tlak der loh, hriat fumfe nei lo, vantlang leh sawrkar tan pawha chhawr tlak mang loh kan ni ang tih a hlauhawm hlein ka hre thin. Chuvang chuan State Pharmacy Council-in sum senga intuaitharna kan buatsaih chi hrang hrang hi a hlawk thei ang berin hman i tum theuh teh ang u.

India ram leh Mizoram sorkarin chak taka hma a lak chhoh mekna pakhat, Generic Drugs chungchang hi tlem azawng sawi hawn thain ka hria. Mizoram sawrkar hian hun reiloteah a hnuaiia thawk Doctor zawng zawngte chu damdawi an chawhin Generic name prescription ziak vek turin a la ngen dawn a, hemi hunah hian keini Pharmacist-te hi a hrethiam leh mipui mimir zawhna chhang thei tura kan lo inbuatsaih a ngai a ni. "Eng nge Generic Drugs ni a, eng nge Branded Drugs?" kan hriat hran a ngai. Generic Drugs chu damdawia a chemical name pangngai, khawvelin a hming a pawm tlan, Pharmacopoeia-a an hming ang thlapa damdawi siam leh zawrh chhuah te hi an ni a, Branded Drug-te chu damdawi siamtu company-ten an duh dan leh hriat awlsam, company tih lar nana hming lem an phuah hi a ni. Keini Pharmacist-te chuan damdawi kan sawi reng rengin Generic name-in kan sawi tur a ni a, Branded name hi kan hmang tur a ni lo, kan thiamna chawinun nan a pawimawhin a hlu a ni.

Hei le Mefenamic chanchin chu.



OFFICE ADDRESS

1st Floor Hausiama Building
Dinthar, Aizawl - 796001

Near

Directorate of Health Services

Phone

0389-2321683

Email

mspc.aizawl@gmail.com

DAMDAWI chungchangah zawh duh i nei em ?

- # Damdawi ei kawp loh tur i hria em?
- # Damdawi ei nghawng (side effect) eng nge?
- # Damdawi i ei khan nghawng tha lo (adverse effect) eng nge a nei?
- # Damdawi engtia ei tur nge?
- # Damdawi i ei kha a hlauhawm em?

Hengah hian harsatna i nei chuan-

DRUGS INFORMATION CENTRE

Mizoram State Pharmacy Council Office,

Phone No. 0389-2321683-ah office hour chungin zawt la,
an lo chhang ang che.

